

1. **USTAVNI SUD BOSNE I HERCEGOVINE , Sarajevo** – ul. Reisa Džemaludina Čauševića br. 6/III, koga zastupa generalni sekretar Nataša Vuković (u daljem tekstu: Naručilac)
2. **DVG ALM Company d.o.o. Sarajevo**, ul. Nedima Filipovića bb, Sarajevo, koga zastupa direktor Nihad Fetahović (u daljem tekstu: Izvršilac)

U G O V O R

**za pružanje usluga godišnjeg tehničkog pregleda i mjesečnog održavanja liftovskog postrojenja
Ustavnog suda Bosne i Hercegovine**

I – PREDMET UGOVORA:

Član 1.

Predmet ugovora su poslovi na pružanju usluga tehničkog pregleda i mjesečnog održavanja liftovskog postrojenja Ustavnog suda Bosne i Hercegovine, u svemu prema Ponudi broj 805/22, koja je sastavni dio ovog Ugovora.

II – OBAVEZE IZVOĐAČA:

Član 2.

Izvršilac je obavezan da za radove na redovnom mjesečnom servisiranju lifta u zgradi Predsjedništva BiH za potrebe Ustavnog suda Bosne i Hercegovine izvrši slijedeće: probnu vožnju, kontrolu, čišćenje, podmazivanje liftovskog postrojenja ili pojedinih elemenata, podešavanje liftovskog postrojenja za kvalitetan i bezbjedan rad, nakon izvršenog servisiranja isto evidentira u knjigu održavanja lifta i vrši zamjenu potrošnog materijala po datoj Ponudi – opisu poslova.

Izvršilac je obavezan da, po pozivu Naručioca, jednom u toku ugovornog perioda obavi godišnji tehnički pregled lifta, te izda upotrebnu dozvolu za korištenje istog, prema cijenama koje su sastavni dio Ponude iz člana 1. ovog ugovora.

U slučaju kvara na liftovskom postrojenju ili po drugoj ukazanoj potrebi i po pozivu Naručioca, Izvršilac je obavezan da obavi vanredni tehnički pregled i dijagnostiku postrojenja.

III - OBAVEZE NARUČIOCA:

Član 3.

Naručilac je obavezan da Izvršiocu omogući neometan pristup svim dijelovima liftovskog postrojenja. Usluge mjesečnog servisiranja liftova Izvršilac će vršiti po nalogu ovlaštenih lica Naručioca.

IV – CIJENA:

Član 4.

Cijena redovnog mjesečnog servisiranja lifta iznosi **50,00 KM** bez uračunatog PDV-a, što ukupno iznosi **600,00 KM** bez uračunatog PDV-a za ugovorni period od godinu dana.

Član 5.

Cijena redovnog godišnjeg tehničkog pregleda i izdavanja upotrebne dozvole iznosi **225,00 KM** bez PDV-a.

Cijena vanrednog tehničkog pregleda i dijagnostike iznosi **20,00 KM** bez uračunatog PDV-a.

V – PLAĆANJE:

Član 6.

Za sve izvršene usluge u okviru ovog ugovora Izvršilac će ispostavljati odgovarajući račun za svaki izvršeni posao, ili zbirni račun za više izvršenih poslova, a nakon što je ovjeren od strane ovlaštenih lica Naručioca da je usluga obavljena.

Član 7.

Naručilac je dužan da fakturu za izvršene usluge proslijedi na plaćanje Trezoru BiH odmah, a najkasnije u roku od trideset dana od dana prijema iste bez primjedbi.

Sve poreske obaveze moraju biti uključene i posebno iskazane u sklopu ispostavljenog računa.

Izvršilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

VI – GARANCIJA I REKLAMACIJA:

Član 8.

Izvršilac garantuje da će sve radove i usluge utvrđene ovim ugovorom obavljati stručno, savjesno i kvalitetno.

Izvršilac garantuje da je rok odziva na poziv najkasnije 2 sata od usmenog poziva Naručioca.

VII – OSTALE ODREDBE:

Član 9.

Ugovor se zaključuje na period od godinu dana od dana zaključenja ugovora, odnosno do okončanja nove procedure odabira najpovoljnijeg ponuđača u skladu sa Zakonom o javnim nabavkama Bosne i Hercegovine.

Ugovorne strane mogu raskinuti ugovor uz otkazni rok od 30 dana.

Član 10.

Za sve ostale slučajeve i eventualne situacije koje nisu regulisane ovim ugovorom, primjenjuju se odredbe Zakona o obligacionim odnosima u BiH.

Član 11.


Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 12.

Ovaj ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

ZA IZVRŠIOCA:


Direktor



Nihad Fetahović

ZA NARUČIOCA:

Generalni sekretar Ustavnog suda BiH



Nataša Vuković

Broj: 403/22
Datum, 18.02.2022.

Broj: SU-08-230-3/22
Datum, 15. februar 2022. godine